

SEM. plura, 20-30, ovato-oblonga, rugosa, antea succulenta; affixa superficiei interiori bacca ad parietes.

*Color* Calycis foras viridis, intus una cum contentis luteo-viridis; unicolor. Bacca nigrescens.

106. GAURA *fruticosa* subscandens, foliis oppositis.

*Caulis* frutescens, teres; ramis superis longis, obsolete quadratis, sterilibus. subscandentibus.

*Folia* opposita, oblonga, tri-vel quadriuncialia, breve petiolata, glabra, integerrima.

*Flores* spicati in ramulis oppositis, subsessiles.

CAL. terminalis, germine sursum angustato s. elongato; monophyllus, campanulato-erectus, laxiusculus, quadridentatus: *denticulis* brevibus, lato-acutis.

COR. *Petala* quatuor, parva, ex incisuris calycis, ovato-acuta, vix dentibus longiora, rudia, decidua.

STAM. *Filamenta* octo, longissima, setacea, calyce sexies longiora. *Antheræ* suboblongæ, parvæ.

PIST. *Germen* sub receptaculo, lineare, quadrangulare angulis compressis, superne acuminatum. *Stylus* longitudine staminum, setaceus, ad basin calycis auctus pubescenti lanugine. *Stigma* simplex, acutum.

PER. nullum, nisi crusta seminis tetragona.

SEM. unicum, oblongum, tetragonum, quatuor alis longitudinalibus membranaceis: nucleo intus convoluto, tetragono, angulis compressis.

107. ARBOR mediocris alia foliis lanceolatis; pedunculis pendulis. *An Cleome?*

*Radix* arborea.

*Caulis* arboris mediocris vel fruticis altioris, superne ramis filiformibus, undique dispersis, vimineis: ramulis sparsis.

*Folia* in summis ramulis sparsa, alterna, pendula, lanceolata, stricta, siccata, mucronata, leviter connato-complicata, glaberrima, venosa, integerrima, tri-vel quadriuncialia. *Petioles* filiformes, teretes, patentissimi, apice crassiores, unciales vel biunciales.

*Flores* in racemis simplicibus, digitalibus & brevioribus, sparsis, pedunculatis, simplicibus.

CAL.